

tu & causis subterraneorū: Hammonis cornua (inquit) quæ plerumq; armatura ferri politi colorem referente, obducuntur, succo aluminis infecta, aurei coloris fiunt: si eo succo nō inficiuntur armaturæ, colorem servuant. Idem alijs quibusdam lapidibus accidit. Ammonis cornu magnum, cuius dimetiens est digitorum septem, & reuolutio in sece duplex, ut appareat, & species tota pulchrè crispis vndantibusq; lineis articulatim (nodosum est enim, inqt, & quasi iuncturis cohæret) distincta, à Ioanne Kentmano ad me missum est depictum: ipse verò à perito & sene medico Burchardo Mythobio Cornu ipsum accepit. Misit & aliud depictum, cum armatura ferrei coloris.

Cardanus in libro de Gēmis, Hammonium lapidem cornibus arietis similem, primū ex tribus rarissimis esse scribit, sine authore, nescio de qua gēma intelligens: cum nostrum nec gēma, nec admodum rarum sit.